

08.06.2012.



Upravni odbor Udruženja poslodavaca BPK Goražde jučer je održao svoju redovnu 26.sjednicu, na kojoj se našlo 9 tačaka dnevnog reda.

Upravni odbor na početku sjednice nakon što je usvojio Zapisnik sa 25.redovne sjednice razmatrao je finansijski izvještaj Udruženja poslodavaca uz zaključak da se treba aktivirati naplata članarine od pojedinih članova, kako Udruženje nebi došlo u još težu finansijsku situaciju, a primljena je i informacija da su u Budžetu kantona i za ovu godinu planirana određena sredstva za Udruženje poslodavaca, kao podrška za obavljanje redovnih aktivnosti i za jačanje kapaciteta Udruženja poslodavaca pri pružanju usluga svojim članovima i zastupanju njihovih interesa.

Upravni odbor je razmatrao Zahtjev za davanje podrške uspostavljanju Centra za ekonomiju, razvoj i planiranje od Udruženja građana „Aldi“. U vezi ovog zahtjeva doneseni su određeni zaključci i primjedbe, koji će biti poslani na adresu Udruženja građana „Aldi“, kao odgovor na zahtjev.

U nastavku sjednice Upravni odbor je utvrdio prijedlog rezolucije za razvoj kantona koji će biti poslan prema Vladi kantona i Skupštini, a u kojoj će zajednički sudionici biti: Udruženje poslodavaca, Ekonomsko-socijalno vijeće, Savez Samostalnih sindikata, te Privredna komora, a zaključak je da će biti ponuđeno i Obrtničkoj komori da bude sudionik u pomenutoj rezoluciji, u kojoj su sadržani prijedlozi izgradnje brze ceste „ Sarajevo-Goražde“ sa konkretnim koracima koje bi trebali poduzeti Vlada BPK Goražde i Kantonalna skupština, kao i prijedlozi za razvoj privrede, poljoprivrede i hidroenergetskog potencijala.

Upravni odbor je razmatrao Nacrt Zakona o javno-privatnom partnerstvu, koji je ocijenjen kao pozitivan, jer će se angažovanjem javnog i privatnog kapitala otvoriti prostor za nova investiciona ulaganja.

Upravni odbor je primio k znanju informaciju o usvojenom Programu utroška sredstava „Program podrške razvoju privatnog sektora i izvozne industrije BPK Goražde“ za 2012.godinu iznosu od 590.000 KM, te su doneseni određeni zaključci u vezi programa.

Do kraja sjednice Upravni odbor se upoznao sa Programom rada Vlade za 2012.godinu, odnosno resornog Ministarstva za privredu i određenim aktivnostima koje planira sprovoditi, te će u tom pravcu i Udruženje poslodavaca usmjeriti svoje djelovanje, zaključeno je na kraju sjednice.

Jedan od prijedloga na sjednici Upravnog odbora je bio da se privrednici trebaju više organizovano družiti, te je donesen zaključak da se jednom mjesečno privrednici uz kafu zajedno družu i razmjenjuju svoja iskustva.

Tehnička služba

Adnan Bukva

